

2 Timoteo

Yaizéze ac.

¹ Anutuac ewa siñ niñac Kristo Yesuac qerigaiguc kekecac sisipac ac hezac imi méndacma Kristo Yesuac Méliméli ic wañi Paulo neñ mia

² nañ sorocna Timoteo guac muru kiwi yomi ogénzua. Mañgocnina Anutu zéma miñ kewunina Kristo Yesu iorarunec ewa hia zéma wésé ninin zéma luaenéh hegémmac.

Min kewuac gamuga ménda nimmu.

³ Ni siñi kaiwe séc zéwelecma imuac suraiguc ménda misimanec niñgéhanzua séc yanda hécna ionac murunec hénima hama deguc ewa qerininina lalacnec mepésimianziñ Anutu iwac mia ewa hia ac ézéanzua.

⁴ Wañu ewa hia kuneh yanda nimmañ niñac guac kic masiga niñqelima kic tanecga hémmañ niñac wañanzua.

⁵ Imi mia guac ewa qerigaiguc ninzéh ninzéh solañ hezac imi niñqelima imuhuc wañanzua. Ninzéh ninzéh imi mia walac awuga Loisi zéma neñgocga Yunike iorac ewa qerigiraiguc heyec imuhucyanéh guaru acguc momacnec hezac imi ninzéhgezua.

⁶ Imuac ni mérana orucgaiguc haiwa Anutunéh ai memeac sese géjec imi héiososoc mena geric bélañaguc wammac zénimma gi imuac nimbésémañ niñac wamma ac yomi gézézua.

⁷ Uña Anutunéñ nénécmiyec imi bac yandi yandiac uña qahac, néñ kuc zéma goi héihéi zéma niñgésigési galeñ meamuwiñac uña wanzac.

⁸ Imuac gi imi miñ kewuninawac héipuc ac imuac zéma miñ kewuninawac wamma hésa ic kecua nuac momacnec gamuga ménda nimbésémañ, néñ Anutuac kuhanéñ buña suruc hiabiawac zéra béraiguc toroqe némbésémañ.

⁹ Anutunéñ mehiaru nénécmima ac téréyanéñ héihéré nénécmiyec. Wañu imi mia wawañ memenina niñac qahac, néñ eñeya ewa siñ zéma nalé ménda hénima heyecnec becaru Kristo Yesuac wamma hemiyec ewa hiaya imuac mia wamma imuhuc wañ nénécmiyec.

¹⁰ Wañu imuac héla imi nalé yomuaru añgénéñ titi miñina Kristo Yesunéñ mayu hicñjitegirec. Inéñ mia humuc néhélima kekec zéma haka hehe selia imi buña suruc hiabiaiguc meau nénémiyec.

¹¹ Wañu ni imi buña suruc hiabia imuac wamma zézé ic zéma Yesuac Méliméli ic zéma kiwi ic kecmañ niñac kumunéñec.

¹² Wañu ni ninzéngeñ mima kecua iwac hénia niñasarizua. Imuac moczoñ yanda mériaiguc haiwa hezac imi inéñ kuhanéñ hiabianec galeñ gémanec keru nalé yanda ducñimac imi niñhumuzua. Hénia imuac niñac ni zéra waiya qahaiguc kecma gamuna ménda ninzua.

¹³ Gi imi Kristo Yesuac qeriaiguc ninzén ninzén zéma goi héihéi késa keczañ imuaru héima namma ac héla nuac murunec niñnec imi méndacma wambésémañ.

¹⁴ Uña téréya qerininaiguc kecañzac inéñ

nañgégéñu ac héla eeyaguc méraguiguc haigéñi imi galengéwésémañ.

¹⁵ Asia baeciguc ic embac keczu imi moczoñ wainéndacgic imi nindaczañ.* Figelo zéma Hemogene imi ereñ acguc ic imuhucya ionac sucginaiguc keczaoc.

¹⁶ Miñ kewunina imi Onesiforo iwac ama geric momac héra goigina héimac niñ wanzua. Inéñ mia hatac sasala ségiségi mihicñi némma hésa ic kecba nuac gamuya ménda nimma

¹⁷ Roma hakerec nalé imuaru seliseli wamma hocma mihicñi néñec.

¹⁸ (Miñ kewuninanéñ nimmiyu nalé yandaiguc miñ kewuninawac murunec goi héihéi mihicñimac niñ wanzua.) Inéñ Efeso baeciguc welen qeque ai réwéria dimuhucya meyec imi gi geñgaoc ninzañ.

2

Kristo Yesuac téñgij ic hiabia.

¹ Nañna, imuac gi Kristo Yesuac qeriaiguc ewa hia hezac imuac qeriaiguc seliseli wamma

² neñ zéwa gi héipuc ic sasala ionac kicginaiguc ninnec imi ic tosara keñhéi hahéi qahac énézéna ieneñ imuhucyanec ic embac tosara ku énécmimuac séc wammac.

³ Imuac gi Kristo Yesuac téñgij ic hiabia ésécneç niguc mena mewa wamma zéra waiya qahaiguc seligima kecbésémañ.

* **1:15:** Paulonéñ Roma baeciguc aciguc opocgic eñec nalé imuaru hénaroiñ Asia baeciguc kecgic ieneñ héipuc ménda wammigic imuac niñac imuhuc zézac.

⁴ Ténjñ ic kecma kenha wañanzu imi enen qutulañgé énécmima ténjñ ic qac buña énécmiyec i ségiségi mihicñi mimu niñac enañ kekecginawac ainén ménda qaté énécmiyu kecanzu.

⁵ Mén ogicqogic ariac mema hena zawéya hezac imi logimaciguc oruhaiguc ic kawaliac opoc mén ménda haimimu.

⁶ Ai ic mén ai geriwaguc meanzac iminén imuac héla walac memacac hezac.

⁷ Ac gézézua imi qeriganén nimbésémañ, miñ kewuninanén ai hénia héniaiguc niñtegic qñtegic haigémmac.

⁸ Buña suruc hiabia gézéwa ninnec séc Dawidiac qeli Kristo Yesu humuc igucnec meqelimiya yarec i niñqeliwésémañ.

⁹ Buña suruc hiabiawac niñac wamma ni késpedes ic ésécnec señ hésanén qaté némmuac séc zéra béra mihicñi néngic, néñ Anutuac ackuazéc imi qatémuac séc qahac.

¹⁰ Imuac ni ic embac Anutunén megési énécmiyec ionac niñ wamma iwawai moczoñ bisiqatén wañanzua. Imi mia ienen acguc Kristo Yesuac qeriaiguc añgén titi hakaya hezac imi zéma edamuya tetcgia qahac imi momacnec énécmiyu memu niñac imuhuc wañanzua.

¹¹ Ac yomi hélaguc, nini Miñ Kewuninaguc momacnec humuziñiguc imuhucyanec i guc momacnec qelima kecbiñ.

¹² Qenzen manzeniguc meseliwiñiguc momacnec ic kewu wamma kecbiñ. Wañu miñ kewunina qaecgé miwiñiguc i acguc qaecgé nénécmimac.

13 Nini ménzé ménzé wambiñac séc, néñ inéñ eñeya qaecgé amumacac séc qahac, imuac niñ nalé séc méñzé méñzéya qahac kecanzac.

Ai ic Anutunéñ niñmimia.

14 Eluñ unuwac niñac, gi ac imi héiqeli énécmima acac zééñ zéma ménda wammu niñac Anutuac* kiwaiguc selianec énézéna. Haka imuhucya imi nanjé énécmimacac séc qahac, néñ néwécgeñac ac imuhucya ninzu i mebiri énécmianzac.

15 Gi imi ac héla imi dindiñanec niñtegiçma ai ic gamu qeqeya qahac zéma niñgémmacac séc, Anutuac wéséyaiguc geñga mihicñi amumañ zé nimma seliseliiguc aiga mewésémañ.

16 Ac biria gorosoña zégic néñgacma kecbésémañ. Ac imuhuc wañanzu imi eneñ keñkeçma keñkeçma iwawai eeyaguc qahac imuac mia keremmu.

17 Acginanéñ wizi selia ésécnec saima kemmac. Ic imuhucya ionac sugginaiguc Humeneo zéma Fileto keczaoc.

18 Humuc igucnec yayac imi bec hicñiyu tecgéyec zéma ac héla imi zésigima énézéyic ic tosara ionac ninzénñ ninzéngina melemma bacgéanzac.

19 Néñ Anutuac sérañ selia imi asé kiwiya yomuhucyaguc hiñgac seligima nanzac. Miñ kewuninanéñ eñeya buñahéra inic tegicanzac. Wañu méñ yomuhuc; Miñ kewuninawac qara qacma kecanzu séc biria héñacya memu.

* **2:14:** Kiwi méraginanéñ ooya tosaraiguc Miñ kewu zéma Kristo ogic hezac.

²⁰ Ama kewuyaiguc zéic goli zéma siliwanéñ memeya zéma zéic icnéñnec memeya zéma baecnéñnec memeya momacnec taczac. Taru zéic tosara imi ai eeyagucac késaanzu, néñ tosara imi ai enomiawac késaanzu.

²¹ Imuac mérñnéñ mén haka imuhucya zuac amuma lalacnec kecmac imi zéic eeyagucac éséc wammac. Imuhuc wañu miñ kewuginanéñ késamacac séc zéic téréya wammac. Téréya wañu ai hiabia hénia héniawac haiyu mambéc kecmac.

²² Wañu gi imi sac qeliac séwiac siñ imi qiziziqgéma qeri lalacnec miñ kewuninawac qacmianzu iníguc momacnec haka solañja zéma ninzéh ninzéh zéma goi héihéi zéma luae niñac méndacma kemmu.

²³ Wañu ac sicsaocya zéma ac qelañawac zééh zéma haka imi waina keñu. Ac imuhucya igucnec tualefic acnéñ hicñianzac.

²⁴ Miñ kewuninawac welen qeque ic imi, acnéñ ménda euma, ic embac moczoñ ionac gum bénzénzéh wamma, hiabianec ku énécmima, haka biria wañgic kilen bisiqatéh wañ énécmianzac.

²⁵ Wañu ic tosara eneñ ac qeque wañgic qeri bénzéhiguc pakeñ ac wañ énécmima. Anutu eneyaoc qerigina melen énécmimanñ zé nimma niñ énécmimaciguc ac héla niñtegicmu.

²⁶ Wañu qerigina béréngéyu Biria miñinawac ac bétacya zéma iwac ewa siñ qaté énécmima hezac imi hetecgé amuma néñgacmu.

3

Nalé tetecgiaiguc ic embac ionac kekec tanera

imi dimuhuc wammac.

¹ Nalé tecgémanj zé wanju yéwéri naléya imi hamac.

² Ic embac ienenj enanj sac siñniñ wanamuma soukiwawac siñ yanda nimma séwi enenj wamma tétéc qeque wamma zébiri qébiri wamma neñgoc mañgoc ac qeque wanj érécmima, nema nelumma, ee héihéi qahac kecma

³ goi héihéi qahac kecma késpedes ménda wai amuma ac zéráguc kuaiguc haihai wamma qeri siñgina ménda helanzima tiktuk wamma iwawai hiabiawac mézétiti wamma

⁴ andé qeamuma luaeguc ménda mambéc kecma eneya meyacamuma Anutuac siñ qahac, néñ néwécgeñaguc eneya séwíac siñ niñac wamma

⁵ Anutu ee héihéi wammimia tanec kecma Anutu ee héihéi imuac kuha imi qaecgéma kecanzu. Wanju gi imi ic imuhucya héñacgina mewésémanj.

⁶ Ic imuhucya sugginaiguc tosara enenj amaginaiguc emma embac bobologocya, késpedes réwéria serima séwíac siñ hénia hénianéñ hérémíyu kenkenja imuhucya héréma énépésianzu.

⁷ Embac imuhucya imi nalé séc niníñ niñarenj wammu, néñ ac héla niníñaguc keremmuac séc qahac wammac.

⁸ Becnec Yane zéma Yambere* ierenj Moseac hazéc wammíyoc ésécnec ienenj acguc ac hélawac

* **3:8:** Yane zéma Yambere; Qac éréhéc yomi sisipac ac waha-laiguc ménda hezac, néñ sasalanéñ méra kiwi ic éréhéc Moseguc euma méra kiwi meyoc iorac qacgira zéma ninzéhéanžu. (Mmh 7:11,22)

hazéc wammianzu. Wañu ienen imi ewa qeriginanén houyu ninzén ninzénac hénaiguc ken bipigic.

⁹ Wañu ic éréhéc ioraru hicñiyec ésécnec ienen acguc horua ménda kenñicnec hakagina qelana imi wininiyu héndacmu.

Pauloac paken ac tetecgia.

¹⁰ Nuac paken ac zéma wawanj meme zéma ewa siñna zéma ninzén ninzén zéma luaenén mambéc kekec zéma goi héihéi zéma nananj seliseli zéma

¹¹ nunesi wañ nénéña zéma qenzen manzen zéma Antiokia zéma Ikonion ama areña yandaiguc haka biria wannéngic imi zéma nunesi dimuhucya mihicñiyi imi gen hélacnec héndacma niñtegicnec ésécnec miñ kewuninanén haka imuhucya igucnec ni metecgé néhec.

¹² Wañu ic méñnéñ méñ Kristo Yesuac qeriaiguc kekec eeyaguc kecbiñ zé wammu ienen acguc ununesi mihicñimuac hezac.

¹³ Ic biria zéma ikoc ic ienen muñguc yanda biri seligima enañ ikoc wañ énécmigic imuhucyanec ikoc wañ énécmima kecmu.

¹⁴ Néñ gi imi ackuazéc héiqelima ninzéngeanzañ imuac nañselima kecbésémañ. Mérénén kugéngic niñarenéneñ imi genñgac ninzañ.

¹⁵ Wañu gi komocga igucnec kiwi téréya imi oloñ niñ wañanzañ. Kiwi téréya iminén mia kuhanén niñtegic qinñtegic mihicñi géñu, Kristo Yesuac qeriaiguc ninzén ninzén késa keczañ, ninzén ninzén imuac héima namma añgén titi hia mihicñiwésémañ.

¹⁶ Kiwi téréya imi moczoŋ Anutunéŋ hinocgé énécmiyu ogic. Imuac iminéŋ méra nénécmiyu pakeŋ zéma zémindi mindiŋi zéma meqeliqeli zéma kekec solaŋawac qeriaiguc meefiefi ai hia mewiŋ.

¹⁷ Imi mia neŋaŋ Anutuac ichéra séc ai hiabia hénia hénia hia wambiŋac séc solaŋaniwiŋ niŋac imuhuc waŋ nénécmianzac.

4

¹ Ni Anutuac kiwaiguc zéma Kristo Yesu kecma kic qeli zéma humumia momacnec niŋgési nénécmimac iwac hahaya zéma iwac héngaleŋ amaya niŋac wamma zéseligénzua.

² Gi ackuazéc téréya imi zésai énécmiwésémaŋ. Nalé hia me nalé biriawac séc momacnec seliseli wamma ai imi mewésémaŋ. Waŋu réwéri horugiyu naŋselimanec ackuazéc iminéŋ ku énécmima késpedesgina zéasari énécmima ac zéénécmima meseli énécmiwésémaŋ.

³ Kecma nalé mén hayu ic embac ieneŋ pakeŋ ac héla imuac andé unuma kiwi ic ikora tosara gezacgina siŋa méndacma eŋaŋ siŋginawac séc énézégic méndac énécmimu.

⁴ Waŋu ac hélawac andé qema nemu surucac gezacgina haimu.

⁵ Waŋu gi mia ai imuac me imuac séc mesigi waŋamuma zéra waiya seligima buŋa suruc hiabia imuac ai wamma aiga imi séha séc meyacdacna.

⁶ Ni waiñ sese* éséc nec kekecna bec pocgéwa keñkeñ naléna imi ducñima hazac.

⁷ Ni yaré hiabiawac gema héna kemman zé zénéñec imi keñ metecgéma ninzén ninzénna galenagéma kecanzua.

⁸ Imuac bian kecma nuac niñ wamma haka solañawac opoc nuac buña haiyu mambécnawac hemac. Imi mia miñ kewunina zégésigési ic solaña inéñ mia nalé niñu hezac imuaru ni némmac. Wañu nenanec sac qahac ic embac Miñ Kewunina muñguc winini nénécmimac imuac wañanzu moczon yanda momacnec énécmimac.

⁹ Gi focdac nuacmuru hawésémañ.

¹⁰ Dema imi baecac iwawai niñac wamma wainéma Tesalonika ama areña yandaiguc keñec. Wañu Kreske imi Galatiaiguc, Tito imi Dalmatia baeciguc kendaroc.

¹¹ Luka momacguc sac niguc keczac. Hamañ zé wamma Mareko wagicna momacnec hamaoc. Inéñ ainawac méra nénéñawac séc wanzac.

¹² Tikiko mia méliwa Efeso ama areña yandaiguc keñec.

¹³ Wañu hamañ zé wamma hénawac malekuna Troa amaiguc Karpo iwac amaiguc hetecgé haiyi imi mema hawésémañ. Wañu kiwina imi kiwi limbi limbiña tosara zéma kiwi yañ séwélanéñ memeya imi momacnec mema hawésémañ.

¹⁴ Aiñnéñ iwawai meme ic Aleksande imi biria sasalanec wannéñec imuac haka wañec séciguc miñ kewuninanéñ tasé kumimac.

* **4:6:** Waiñ sese; ꞑucmanañ ai mewiñ zé nalé tosaraiguc doku me waiñ pocgémiñgic.

15 Gi acguc iwac mia galen mewésémaṅ. Ic imi acnina selianec qegetalı waṅ nénécmiyec.

16 Ni walac aciguc emma zéirecgéyi nalé imuaru ala méṅnéṅ méṅ héipuc ménda wannemma moczoṅ wai néndacgic. Néṅ késpedesic ginaguc ménda zé énécmimac niṅ wanzua.

17 Neṅ héna ac imi zésaiwa keṅu ic enia ieneṅ nindacmu niṅac wamma Miṅ Kewuninanéṅ niguc namma meseli néṅec. Waṅu laion kuagina igucnec metecgé néṅec.†

18 Miṅ kewuninanéṅ neṅ kurumeṅac héngalen amayaiguc keremmaṅ niṅac biria imuac me imuacnec metecgé némma aṅgéṅna timac. Imuac iwaru mia edamuya nalé tetecgia qahac hemac. Hélaacnec!

Mozoc ac.

19 Priska zéma Akila zéma Onesiforo ionac ama geric momachéra yaizézéna énézéna.

20 Erasito imi Korinti ama areṅa yandaiguc waima kerec waṅu Tirofimo imi hafi kiyu Milete ama areṅa yandaiguc waima hayi.

21 Saṅgeṅa naléya ménda ducṅiyu foc hawésémaṅ. Eubulo, Pude, Lino, Kilaudia zéma ala sasala ieneṅ imuhucyanec guac yaizézéga zézu.

22 Ni imi Miṅ Kewuninanéṅ guac ewa qerigaiguc momacnec kecmac niṅ wanzua. Ewa hiayanéṅ iniguc hemac.

† 4:17: Hésa ama igucnec mayec imuac séséc ac imuhuc zézac.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665